

Selidik kes ban pecah

Exco, pegawai pertanian akan turun padang buat kajian

RUWAIDA MD ZIN

SHAH ALAM – Kerajaan Negeri meminta Lembaga Urus Air Selangor (Luas) untuk menjalankan penyelidikan mengenai ban sungai yang pecah berhampiran Jambatan Sungai Bernam SKC agar dapat dibaik pulih dan bertahan lama.

Menenteri Besar, Tan Sri Abdul Khalid Ibrahim berkata, Projek Pembangunan Pertanian Bersepadu (IADA) Barat Laut juga adalah agensi yang terlibat dalam pengurusan sungai tersebut malah ia bertindak menentukan pengaliran air mencukupi untuk kegunaan pertanian padi.

Menurutnya, Kerajaan Negeri akan memanggil Jabatan Parit Saliran (JPS) membuat kajian memandangkan dahu-



lu peruntukan berkaitan adalah di bawah JPS.

“Exco Kerajaan Negeri dan pegawai pertanian akan diminta turun padang membuat kajian berapa luas kesan kekurangan air ini kepada petani dan kesan ekonomi jika keadaan tidak cukup air ini berterusan.

“Kerajaan Negeri juga diberitahu program pembaik-

“ Kerajaan Negeri juga diberitahu program pembaikan ban yang runtuh itu sudah bermula tetapi Exco mendapati masa untuk penyiapan ini ialah pada 2013.”

Abdul Khalid

an ban yang runtuh itu sudah bermula tetapi Exco mendapati masa untuk penyiapan ini ialah pada 2013. Jadi, Kerajaan Negeri berpendapat perkara ini mesti dipercepatkan,” katanya ketika mengulas mengenai penurunan paras air di Ibu Ampangan Sungai Bernam (BRH) yang menempatkan loji pembersihan Sungai Sireh di-

sebabkan oleh ban sungai yang pecah berhampiran Jambatan Sungai Bernam SKC.

Ban sungai yang pecah ini menyebabkan aliran Sungai Bernam tidak sepenuhnya melalui Ibu Ampangan Sungai Bernam.

Ia menjadi antara punca penurunan paras air untuk loji pembersihan Sungai Sireh yang membekalkan air bersih dan kegunaan sawah padi di sekitar Tanjong Karang dan Sekinchan.

Isnin lalu, *Sinar Harian* melaporkan, lebih 300,000 pengguna air terutamanya pesawah di Kuala Selangor dan Sabak Bernam dikhuatiri terjejas kerana LPA Sungai Sireh berdepan dengan penyusutan lebih 50 peratus di terusan utama Sungai Sireh sejak semingggu lalu.